

四庫全書

集部

欽定四庫全書

唐詩品彙卷七十三

明 高棟 編

五言排律三

正始

下

李乂

奉和幸長安故城未央宮應制

鳳輦乘春陌龍山訪故臺北宮纔盡處南斗獨昭回肆

覽飛宸札稱觴引御杯已觀蓬海變誰厭栢梁災代
挹孫通禮朝稱賈誼才忝儕文雅地先後各時來

奉和聖製幸禮部尚書竇希玠宅

家住千門側亭臨二水傍貴遊開北第宸眷幸西鄉曳
履迎中谷鳴絲出後堂浦疑觀萬象峰似駐三光草向
瓊筵樂花承繡戾香聖情思舊里畱飲賦雕章

奉和幸望春宮送朔方大總管張宣

邊郊草具腓河塞有兵機上寧調梅寄元戎細柳威虎

貌東道出鷹隼北庭飛玉匣謀中野金輿下太微投醪
銜酌餞緝袞事征衣勿謂公孫老行聞獻凱歸

奉和幸三會寺應制

睿德總無邊神臯擇勝緣二儀齊法駕三會禮香筵漢
闕中黃近泰山太白連臺疑觀鳥日池似刻鯨年滿月
臨真鏡秋風入御絃小臣叨下列持管謬窺天

夏日都門送司馬員外逸客孫員外佺北征

時相

王為元帥魏大
夫元忠為副

日逐滋南寇天威撫北垂折珪行杖節持印且分麾羽
檄雙鳬去兵車駟馬馳虎旗懸氣色龍劍抱雄雌候月
期戡剪經時念別離坐聞關隴外無復引弓兒

奉和幸韋嗣立山莊侍宴應制

台階好赤松別業對青峰茅室承三顧花源接九重
龍旂榮秀木鳳輦拂疎筠逕狹千官擁溪長萬騎容水
堂開禹膳山閣獻堯鐘皇覽清居遠天文睿獎濃嵒泉
他日夢魚釣往年逢共榮丞相府偏降逸人封

鄭愔

塞外三首

塞外蕭條望征人此路賒邊聲亂朔馬秋引動胡笳遙
障侵歸日長城帶晚霞斷蓬飛古戍連鴈聚寒沙海暗
雲無葉山春雪作花丈夫期報主萬里獨歸家
荒壘三秋夕窮郊萬里平海陰凝獨樹日氣下連營戎
旆霜凝重邊裘夜更輕將軍獨轉戰都尉不成名折
柳悲春曲吹笳斷夜聲明年塞使返須築受降城

陽鳥南飛夜陰山北地寒漢家征戍客年歲在樓蘭玉
塞朔風起金河秋月圓邊聲入鼓吹霜氣下旌竿海外
歸書斷天涯旅鬢殘子卿猶奉使恒向節旄看

同韋舍人早朝

瑞闕龍車峻宸庭鳳掖深才良寄天綺趨拜倡朝簪
飛鴈看成影喧車識駐音重軒輕霧入洞戶落花侵聞有
題新翰依然想舊林同聲慚下玉謬此托韋金

奉和幸三會寺應制

鳥籠遺新閣龍旂訪古臺造書臣頡往觀跡帝羲來
法界山川匝宸心宇宙該梵音隨駐輦天步接乘杯舊
苑經寒露殘池問劫灰散花將捧日俱喜聖詞開

貶降至汝州廣城驛

近郊憑汝海遐服指江干尚憶趨朝貴方知失路難曙
宮平樂遠秋澤廣城寒岸葦新花白山梨晚葉丹鄉闌
千里暮歲序四時闌函塞雲間別旋門霧裏看風年追
驃驥暮節仰鶴鸞疲駕勞垂耳騫騰遽矯翰將調梅

鉉實不正李園冠荆王終無玷隋珠忽已彈曉裝違草
洛夕夢在長安北上頻傷阮西征未學潘傾車無共轍
同派有殊瀾去去懷知已何由報一餐

崔湜

春閨同李員外賦

落日啼連夜孤燈坐徹明捲簾雙燕入披幌百花驚隴
上寒應晚闌中織未成管絃愁不記梳洗懶無情去歲
聞西伐今年送北征容顏離別盡流恨滿長城

早春邊城懷歸

天漢羽書飛長城未解圍山川凌玉障旌節下金微路
向南庭遠書因北鴈稀鄉關搖別思風雪故戎衣歲盡
仍為客春還尚未歸明年征騎返歌舞及芳菲

登總持寺閣

宿雨清龍界晨暉滿鳳城昇攀重閣迥憑覽四郊明井
邑周秦地山河今古情紓餘二水合寥落五陵平處處
風煙起欣欣草木榮故人不可見冠蓋滿東京

章元旦

早朝

震維方月季宸極衆星尊珮玉朝三陛鳴珂度九門挈
壺分早漏伏檻耀初暾北倚蒼龍闕西臨紫鳳垣詞庭
草欲奏溫室樹無言鮮翰空為忝長懷聖主恩

徐彥伯

送特進李嶠入都祔廟

特進三公下台臣百揆先孝圖開寢石祠坐卜牲筵恩

急青綸賜徂裝紫橐懸綢繆金鼎席宴餞玉橫川北斗
分征路東山起贈篇樂池歌綠藻梁苑籍紅筌騎轉商
巖日旌搖闕塞煙廟堂須鯁議錦節佇來旋

郭內

同崔員外溫泉即事

輦輶移雙闕宸遊整六師天迴紫微坐日轉羽林旗霜
氣寒戈戟軍容壯武貔弓鳴射鴈處泉燐躍龍時惠化
成觀俗謳謠入賦詩同歡王道盛相與詠雍熙

席豫

奉和聖製答張說扈從南出雀鼠谷

狹路遶河汾晴光拂曙氛
笳吟中嶺樹仗入半峰雲頓
覺山原盡平看邑里分早行芳草迥
晚憩好風薰嘉頌推英宰春遊扈聖君
共忻承睿渥日月照天文

王光庭

疑作裴
光庭

奉和聖製答張說扈從南出雀鼠谷

省俗恩將遍廵方路稍迴寒隨汾谷盡春逐晉郊來雲
騎傳行漏煙旄引從臺惠風初應律和氣正調梅雅頌
通宸咏天文接曙台灞陵桃李色應待日華開

宋璟

奉和御製環與張說源乾曜同日上官命宴都
堂賜詩一首應製

丞相邦之重非賢諒不居老臣庸且憊何德以當諸厚
秩先為忝崇班復此除太常陳禮樂中披降簪裾聖酒

江河潤仙文象緯舒冒恩懷寵錫陳力省空虛郭隗慙無駿馮謾愧有魚不知周勃者榮幸定何如

奉和聖製送張說巡邊

帝道薄存兵王師尚有征是關司馬法爰命總戎行畫
闔崇威信分麾盛寵榮聚觀方結轍出轂遂傾城聖酒
江河潤天詞象緯明德風邊地偃聖氣朔雲平寧國摧
良器為軍挹壯聲至和常得體不戰即忘精以智泉寧
竭其徐海自清遲還廟堂坐贈別故人情

蒲津迎駕

回鑾下蒲阪飛旆指秦京
洛上黃雲送關中紫氣迎霞
朝看馬色月曉聽雞鳴
防拒連山險長橋壓水平
省方知化洽察俗覺時清
天下長無事空餘襟帶名

奉和聖製送張說赴朔方軍

聖主重兵權分麾屬大賢
中軍仍執節丞相復巡邊
翕戎衆動張皇廟略宣朝榮
承睿禮野餞轉行旃亭障
東緣海沙場北際天春冬見巖
雪朝夕候烽煙已勒封

山記猶聞遣戍篇五營將月合八陣與雲連經畧圖方
遠懷柔道更全歸來畫麟閣後代武功傳

趙彥昭

奉和幸大薦福寺

寺乃中
宗舊宅

瑤地龍飛後金身佛現時千花開國界萬善累皇基北
闕承行幸西園屬住持天衣拂舊石王舍起新祠刹鳳
迎雕輦幡虹駐采旗同沾小雨潤竊仰大風詩

奉和幸韋嗣立山莊應制

賢族唯題里儒門但署鄉如何表巖洞宸翰發輝光地
在茲山曲家鄰邵水陽六龍駐旌四平四牡耀旂常北斗
臨台坐東山入廟堂天高羽翼近主聖股肱良野竹池
亭氣村花澗谷香縱然懷豹隱空愧躡駕行

崔沔

奉和聖製同二相已下羣官樂遊園宴

五日酺纔畢千年樂未央復承天所錫終藏國之陽地
勝春逾好思深樂更張落花飛廣坐垂柳拂行觴庶尹

陪三史諸侯具萬方酒酣同抃躍歌舞詠時康

胡皓

奉和聖製同二相已下羣官樂遊園宴

五酺終宴集二錫又驩娛仙阜崇高異神州覽眺殊南山臨皓雪北闕對明珠宰坐鶴鴻滿倡庭駟馬趨綺羅含草樹絲竹吐郊衢銜杯不能罷歌舞恣唐虞

王翰

奉和聖製同二相已下羣官樂遊園宴

未極人心暢何知帝道明仍嫌酺宴促復寵樂遊行陸
海披珍藏天河望斗城四闢青靄合數處白雲生鼎餗
調元氣歌鐘溢雅聲空慚堯舜日至德杳難名

崔尚

奉和聖製同二相已下羣官樂遊園宴

春日照長安皇恩寵庶官合錢承罷飲宴帛賜追歡供
帳憑高列城池入迴寬花催相國醉鳥和樂人彈北闕
雲中見南山樹杪看樂遊宜締賞舞詠惜將闌

王丘

奉和聖製答張說扈從南出雀鼠谷

襟帶三秦接旂常萬乘過陽源淑氣早陰谷沴寒多花
縕前郊仗霜嚴後殿戈戍雲開晉嶺江鴈入汾河北土
分堯俗南風動舜歌一聞天樂唱共逐萬人和

袁暉

奉和聖製答張說扈從南出雀鼠谷之作

魏國山河險周王警蹕迴九旗雲際出萬騎谷中來石

岸行將盡煙郊望忽開賞矜垂柳拂春畏落花催興逸
橫汾體恩褒作頌才小臣瞻日月延首詠康哉

崔翹

奉和聖製答張說扈從南出雀鼠谷

鳴鑾初幸伐旋蓋欲橫汾嶺盡千旗出郊平五校分前
林已暄景後壑尚寒氛風送簫韶曲花迎黼黻文鹽梅
推上宰禮樂統中軍獻賦紓天札飄飄飛白雲

張嘉貞

奉和聖製答張說扈從南出雀鼠谷

天錫我宗盟元戎付夏卿多材兼將相必勇獨橫行經
緯稱人傑文章作代英山川看是陣草木想為兵不待
河冰合猶防塞月明有謀當繫醜無戰且綏氓閭外專
三畧雲中冀一平感恩同義激悵別屢魂驚直視前旌
掣遙聞後騎鳴還期方定日復此出郊迎

盧從願

奉和聖製答張說扈從南出雀鼠谷

上將發文昌中軍靜朔方占星引旌節擇日拜壇場禮
樂臨軒送威聲出塞揚安邊俟帷幄制勝在巖廊作鼓
將軍氣投醪壯士觴戒途遼六月離贈動三光槐路清
梅暑衡臯起來涼時文仰雄伯耀武鎮遐方祚席知無
戰兵戈示不忘佇聞歌杕杜凱入繫名王

徐知仁

奉和聖製答張說扈從南出雀鼠谷

聖德膺三統皇威被八埏大明均照物小醜未寧邊國

相台衡重元戎廟畧宣紫泥方受命黃石乃推賢問臯
陰山下安人屬國前度關行照月乘障坐消煙北闕紆
黃藻南橋列禡筵耀威當夏日殺氣指秋天鞬鼓鼈鼉
振旌旗鳥獸懸由來詞翰手今見勒燕然

賀知章

奉和聖製答張說扈從南出雀鼠谷

荒憬盡懷忠梯航已自通九功雖不戰五月尚持戎遣
戍徵周牒恢邊重漢功撰車命元宰校律取文雄胄出

天弧上謀成帝幄中詔旂分夏物專土錫唐弓帳宿伊
川右鉅傳晉苑東饗人藉蕡實樂土理絲桐岐陌涵
餘雨離川照晚虹恭聞詠方叔千載舞皇風

徐安貞

奉和聖製早度蒲關

仙掌臨秦甸虹橋闢晉關兩部分地險一曲渡河灣路
得津門要時稱古戍閒城花春正發岸柳曙堪攀後
乘猶臨水前旌欲換山長安迴望日宸御六龍還

宇文融

奉和聖製左丞相說右丞相璟太子少傅乾曜

同日上官命宴都堂賜詩一首

申甫生周日宣慈舉舜年何如偶昌運比德邁前賢寵
護元良密榮瞻端揆遷職優三事老位極百僚先北極
迴宸渥南宮飾御筵飛文瑤札降賜酒玉杯傳謬列台
衡重俱承雨露偏誓將同竭力相與効塵涓

韓休

奉和御製平胡

南牧正紛紛長河起塞氛王兵徵選士金鉞拜將軍疊鼓搖邊吹連旌暗朔雲祆星乘夜落吉氣入朝分始見幽烽警俄看烈火焚功成奏愷樂戰罷策歸勲盛德陳清廟神謨屬大君叨榮逢偃羽率舞詠思文

裴漼

奉和御製平胡

玄漠聖恩通由來書軌同忽聞窺月滿相聚冠雲中廟

畧占黃氣神兵出絳宮將軍行逐虜使者亦和戎一舉
賴輶滅再麾沙朔空直將威禁暴非用武為雄飲至明
軍禮疇勲錫武功干戈還載戢文德在唐風

韋述

奉和聖製送張說上集賢學士賜燕得華字

修文中禁啓改字令名加台座徵人傑書坊應國華賦
詩開廣宴賜酒酌流霞雲散明金闕池開照玉沙披垣
留宿鳥溫樹落餘花謬此天光及銜恩醉日斜

源乾曜

奉和聖製送張說上集賢學士賜燕

得迎字

盛業光書府微人盡國英司綸賢得相羣俊學為名寵
命垂天錫崇恩發睿情薰風清禁籞文殿述皇明日
霽庭陰出池曛水氣生歡娛此無恨詩酒自相迎

韓抗

奉和聖製送張說上集賢學士賜燕

得西字

廣庭臨碧沼多士侍金闈英宰文儒叶明君日月齊集

賢光首拜改殿發新題早夏初移律餘花尚拂蹊壺
觴接雲上經術引關西聖德鴻名遠將陪玉檢泥

程行謙

奉和聖製送張說上集賢學士賜燕得迴字

聖主崇文化鏘鏘得盛才相因歸夢立殿以集賢開象
繫微言闡詩書至道該堯樽承帝澤禹膳自天來禮洽
歡逾長風恬暑更迴國朝將舜頌同是一康哉

陸堅

奉和聖製送張說上集賢學士賜燕得今
字

聖主崇文教層霄降德音尊賢澤既厚式宴寵逾深
復有夔龍相良哉簡帝心得人惟邁昔多士諒推今書
殿榮光滿儒門喜氣臨顧惟誠濫次徒此接衣簪

蕭嵩

奉和聖製送張說上集賢學士賜燕得登

帝曰簡才能旌賢在股肱文章體一變禮樂道逾弘芸
閣英華入賓門鴛鷺登恩筵過所望聖澤實超恒夏葉

開紅藥餘花發紫藤微臣亦何幸叨此預文明

褚琇

奉和聖製送張說上集賢學士賜燕

得風字

講習延東觀趨陪盛北宮惟師恢帝則敷教叶天工宣
室恩嘗興金華禮更崇洞門清永日華綬接微風蓬降
堯厨翠榴看舜酒紅文思光萬宇高議待升中

武平一

奉和幸新豐溫泉宮應制

秦王登碣石周后襲崑崙何必在遐遠方稱萬寓尊我
皇順時豫星駕動軒轅雄戟交馳道清笳度國門迴輿
長樂觀校獵上林園行漏移三象連營總八屯旌搖鶻
鵠谷騎轉鳳凰原絕壁蒼苔古靈泉碧澑溫參差開水
殿寢窺敝巖軒豐邑模猶在驪宮迹尚存煙松銜翠幄
雪逕遼花源侍從推玄草文章名武貴深仁浹夷夏大
造溢乾坤謬忝王枚列多慚雨露恩

荀晉卿

奉和聖製早登太行山中言志

金吾戒道清羽騎動天聲砥路方南紀重巖始北征關
樓前望遠河邑下觀平喜氣迴輿合祥風入旆輕祝堯
三老至會禹百神迎月令農先急春蒐禮後行仍親后
土祭更理晉陽兵不以勞車徹空畱八駿名

孫逖

江行有懷

秋水明川路輕舟轉石圻霜多山橘熟寒至浦禽稀飛

席乘風勢迴流蕩日暉晝行疑海若夕夢識江妃野霽
看吳盡天長望洛非不知何歲月一似暮潮歸

登越州城

越嶂繞層城登臨萬象清封圻滄海合巿碧湖明曉
日漁歌滿芳春棹唱行山風吹美箭田雨潤香粳代閑
英靈盡人閒吏隱并贈言王逸少已見曲池平

送新羅法師還國

異域今無外高僧世所稀苦心窮寂滅宴坐得精微持

金華集卷之三
卷之三
鉢何年至傳燈是日歸上卿揮別藻中禁下禪衣海澗
杯還度雲遙錫更飛此行迷處所何以慰虔祈

送趙都護赴安西

外域分都護中臺命職方欲傳清廟畧為取劇曹郎已
珮登壇印猶懷仗奏章百壺開祖餞駟牡結戎裝青海
連西夏黃河帶北涼關山瞻漢月戈劍宿胡霜體國才
先著論兵策復長果持文武術還繼杜當陽

立秋日題安昌寺北山亭

樓觀倚長霄，登攀及霽朝。
高如石門頂，勝擬赤城標。
天路雲虹近，人寰氣象遙。
山圍伯禹廟，江落五胥潮。
徂暑迎秋薄，涼風是日飄。
菓林惟苦李，萍水覆甘蕉。
覽古嗟夷漫，凌空愛泬寥。
更聞金刹下，鐘梵晚蕭蕭。

奉和李右相中書壁畫山水

廟堂多暇日，山水契真情。
欲寫高深趣，還因藻繪成。
九江臨戶牖，三峽繞簷楹。
花柳窮年發，煙雲逐意生。
能令萬里近，不覺四時行。
氣染荀香馥，光含樂鏡清。
詠歌齊

出處圖畫表沖盈自保千年遇何論八載榮

和崔司馬登稱心山寺

羣府乘休日王城訪道初覺花迎步履香草籍行車倚
閣觀無際尋山盡太虛巖空迷禹跡海靜望秦餘翡翠
巢珠網鵠雞間綺疏地靈資淨土水若護真如寶樹誰
攀折禪雲自卷舒晴分五湖勢煙合九夷居生滅紛無
象窺臨已得魚常聞寶刀贈今日奉璫琚

玄宗皇帝

早度蒲關

王荊公百家選以
此篇為開卷第一

鐘鼓嚴更曙山河野望通鳴鑾下蒲坂飛旆入秦中地

險關逾壯天平鎮尚雄春來津樹合月落戍樓空馬色

分朝景雞聲逐曉風所希當道泰非復棄繻同

朱子語
錄云明

皇資稟英邁只看他做詩出來是什麼氣魄
如飛蓋入秦中多少飄逸便有帝王氣

集賢書院成送張說上集賢學士賜燕

廣學開書院崇儒引席珍集賢招袞職論道命台臣禮
樂沿今古文章革舊新獻酬尊俎列賓主位班陳節變

雲初夏時移氣尚春所希光史冊千載仰茲辰

春晚宴兩相及禮官於麗正殿

探得風字

乾道運無窮恒將人代工陰陽調歷象禮樂報玄穹介胄清荒外衣冠佐域中言談延國輔詞賦引文雄野震伊川綠郊明翠樹紅冕旒多暇景詩酒會春風

首夏花萼樓觀羣臣宴寧王山亭迴樓下又申之以賞樂賦詩

今年通閏月入夏展春輝樓下風光晚城隅宴賞歸九

歌揚政要六舞散朝衣天喜時相合人和事不違禮中
推意厚樂處感心微別賞陽臺樂前旬暮雨飛

同二相已下羣官樂遊園宴

撰日巖廊暇需雲宴樂初萬方朝玉帛千品會簪裾地
入南山近城分北斗餘池塘垂柳暗原野雜花疎帝幙
看逾暗歌鐘聽自虛興闌歸騎轉還奏弼違書

南出雀鼠谷答張說

雷出應乾象風行順國人川塗猶在晉車馬漸歸秦背

破關山險橫汾鼓吹震草依陽谷變花待北嵒春聞有
鴛鸞客清詞雅調新求音思欲報心跡竟難陳

賜崔日知往潞州

潞國開新府壺闕寵舊林妙旌循吏德特悅庶氓心禮
樂中朝貴仁名列郡欽揚風非贈扇易俗是張琴藩鎮
謳謠滿行宮雨露深會書丞相策先賜潁川金

左丞相張說右丞相宋璟太子少傅乾曜同日

上官命宴都堂賜詩一首

赤帝收三傑黃軒舉二臣由來丞相重分掌國之均我
有握中璧雙飛席上珍子房推道要仲子許風神復輶
台衡老將為調護人駕鸞同拜日車騎擁行塵樂聚南
宮宴觴連北斗醇俾予成百揆垂拱門彝倫

早登太行山中言志

清蹕度河陽凝笳上太行火龍明鳥道鐵騎遶羊腸白
霧埋陰壑丹霞助曉光澗泉舍宿凍山木帶餘霜野老
茅為室樵人薜作裳宣風問耆艾敦俗勸耕桑涼德慚

先哲徽猷慕昔皇不因今展義何以冒垂堂

送張說巡邊

端拱復垂裳長懷御遠方股肱申教義戈劍靜要荒命將綏邊服雄圖出廟堂三台入武帳八座起文昌瑤胄匡韓主華宗輔漢王茂先慚博物平子謝文章盡節恢時佐輸誠禦寇場三軍臨朔野駟馬即戎行鼓吹威夷狄旌軒溢洛陽雲臺先著美今日更貽芳

餞王殷巡邊

振武威荒服揚文肅遠墟金壇申將禮玉節受軍符免
胄三方外銜刀萬里餘昔時吳會靜今日虜庭虛分閫
仍推轂援桴且訓車風揚旌旆遠雨洗甲兵初坐見分
階謐行聞祓禊除檄來雖挿羽箭去亦飛書舟楫功須
著鹽梅望匪疎不應陳七德欲使化先敷

欽定四庫全書

唐詩品彙

唐詩品彙卷七十三

欽定四庫全書

唐詩品彙卷七十四

明 高棟 編

五言排律四

正宗

王維

奉和聖製上已於望春亭觀禊飲應制

長樂青門外宜春小苑東樓開萬戶上輦過百花中畫

鷓鴣仙仗金貂列上公清歌邀落日妙舞向春風渭水明秦甸黃山入漢宮君王來祓禊灞滻亦朝宗

奉和聖製與太子諸王三月三日龍池春禊應制
故事修春禊新官展豫遊明君移鳳輦太子出龍樓賦掩陳王作杯如洛水流金人來捧劍畫鷁去廻舟花樹浮宮闈天池照冕旒宸章在雲漢垂象滿皇州

三月三日勤政樓侍燕應制

綵仗連宵合瓊樓拂曙通年光三月裏宮殿百花中不

數秦王日誰將洛水同酒筵嫌落絮舞袖怯春風天保
無為德人歡不戰功仍臨九衢宴更達四門聰

三月三日曲江侍宴應制

萬乘親齋祭千官喜豫遊奉迎從上光被禊向中流草
樹連容衛山河對冕旒畫旗搖浦溆春服滿汀洲仙樂
龍媒下神臯鳳蹕留從今億萬歲天寶紀春秋

奉和聖製暮春送朝集使歸郡應制

萬國仰宗周衣冠拜冕旒玉乘迎大客金節送諸侯祖

席傾三省褰帷向九州楊花飛上路槐色蔭通溝來預
鈞天樂歸分漢主憂宸章類河漢垂象滿中州

春日直門下省早朝

騎省直明光雞鳴謁建章遙聞侍中珮暗識令公香玉
涌隨銅史天書拜夕郎旌旗映闇闔歌吹滿昭陽官舍
梅初紫宮門柳欲黃願將遲日意同與聖恩長

送李太守赴上洛

商山包楚鄧積翠藹沈沈驛路飛泉灑關門落照深野

華開古戍行客響空林板屋春多雨山城晝欲陰丹泉
通號畧白羽抵荆岑若見西山輿應知黃綺心

曉行巴峽

際曉投巴峽餘春憶帝京晴江一女浣朝日衆禽鳴水
國舟中市山橋樹杪行登高萬井出眺迥二流明人作
殊方語鶯爲舊國聲賴多山水趣稍解別離情

奉秘書晁監還日本

姚合極玄集
以此篇壓卷

積水不可極安知滄海東九州何處遠劉云九州用騎忌語萬里

若乘空向國唯看日歸帆但信風鰲身映天黑魚眼射
波紅鄉樹扶桑外主人孤島中別離方異域音信若為
道

贈焦道士

海上遊三島淮南預八公坐知千里外眺向一壺中

劉云

每作清素可貴縮地朝珠闕行天使玉童飲人聊割酒送客下

分風劉云奇天老能行氣吾師不養空謝君徒雀躍無可

問鴻濛

和陳監四郎秋雨中思從弟據

嫋嫋秋風動萋萋煙雨繁聲連鶗鴂觀色暗鳳凰原細柳
踈高閣輕槐落洞門九衢行欲斷萬井寂無喧忽有
愁霖唱更陳多露言平原思令弟康樂謝賢昆逸興方
三接衰頰強七奔相如今老病歸守茂陵園

過沈居士山居哭沈居士

楊朱來此哭桑扈返於真獨自成千古依然舊四鄰間
簷喧鳥雀故榻滿埃塵曙月孤鶯嘒空山五柳春野花

愁對客泉水咽迎人善卷明時隱黔婁在日貧逝川嗟爾命丘井歎吾身前後徒言隔相悲詎歲晨

和僕射晉公扈從溫湯

時為右補闕

天子幸新豐旌旗渭水東寒山天仗裏溫谷幔城中奠玉羣仙座焚香太乙宮出遊蓬牧馬罷獮有非熊上宰無為化明時太古同靈芝三秀紫陳粟萬箱紅王禮尊儒教天兵小戰功謀猷歸哲匠辭賦屬文宗司諫方無闕陳詩且未工長吟吉甫頌朝夕仰清風

遊感化寺

翡翠香煙合琉璃寶殿平龍宮連棟宇虎穴傍蒼楹谷
靜唯松響山深無鳥聲瓊峰當戶折金闕透林明郢路
雲端迥秦川雨外晴鴈王銜果獻鹿女踏花行抖擻辭
貧里歸依宿化城遙離生野蕨空館殘山櫻杏飯青菰
米嘉蔬綠筍羹誓陪清梵末端坐學無生

奉和聖製幸玉霄公主山莊因題石壁十韻之

作應制

碧落風煙外瑤臺道路賒如何連帝苑別自有仙家此
地廻鑾駕緣溪轉翠華洞中開日月腮裏發雲霞庭養
冲天鶴溪留上漢槎種田生白玉泥龜化丹砂谷靜泉
逾響山深日已斜御羹和石髓香飯進胡麻大道今無
外長生詎有涯還瞻九霄上來往五雲車

李白

送儲邕之武昌

黃鶴西樓月長江萬里情春風三十度空憶武昌城送

爾難為別銜杯惜未傾湖連張樂地山逐汎舟行諾謂
楚人重詩傳謝朓清滄浪吾有曲寄入棹歌聲

送友人尋越中山水

聞道稽山去偏宜謝客才千巖泉灑落萬壑樹繁迴東
海橫秦望西陵遶越臺湖清霜鏡曉濤白雪山來八月
枚乘筆三吳張翰杯此中多逸興早晚向天台

送梁公昌從新安北征

入幙推英選捐書事遠戎高談百戰術鬱作萬夫雄起

舞蓮花劍行歌明月宮將飛天地陣兵出塞垣通祖席
留丹景征麾拂彩虹旋應獻凱入麟閣貯深功

送紀秀才遊越

海水不滿眼觀濤難稱心即知蓬萊石却是巨鷺簪送
爾遊華頂令余發鳥吟仙人居射的道士住山陰禹穴
尋溪入雲門隔嶺深綠蘿秋月夜相憶在鳴琴

秋日與張少府楚城韋公藏書高齋作

日下空亭暮城荒古跡餘地形連海盡天影落江虛舊

賞人雖隔新知樂未諒彩雲思作賦丹壁間藏書聞一
作滿

查擁隨流葉萍開出水魚夕來秋興滿回首意何如

宣州九日聞崔侍御與宇文太守遊敬亭余時

登響山不同此賞醉後寄崔

九卿天上落五馬道傍來列戟朱門曉褰帷碧帳開登高望遠海召客得英才紫綬歡情洽黃花逸興催山從圖上見溪郎鏡中迴遙羨重陽作應過戲馬臺

贈易秀才

少年解長劍投贈即分離何不斷犀象精光暗往時蹉跎君自惜竄逐我因誰地遠虞翻老秋深宋玉悲空摧芳桂色不屈古松姿感激平生意勞歌寄此辭

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘仙郎久為別客舍問何如涸轍思流水浮雲失舊居多慙華省貴不以逐臣疎復似竹林下叨陪芳宴初希君生羽翼一化北溟魚

春日歸山寄孟浩然

朱紱遺塵鏡青山謁梵筵金繩開覺路寶筏度迷川嶺
樹攢飛拱出花覆谷泉塔形標海月樓勢出江煙香氣
三天下鐘聲萬壑連荷秋珠已滿松密蓋初圓鳥聚疑
聞法龍參若護禪愧非流水韻切入伯牙絃

過四皓墓

我行至商洛幽獨訪神仙園綺復安在雲蘿尚宛然荒
涼千古跡蕪沒四墳連伊昔鍊金鼎何年閉玉泉隴寒

惟有月松古漸無煙木魅風號去山精雨嘯旋紫芝高
詠罷青史舊名傳今日併如此哀哉信可憐

秋日登揚州西靈塔

寶塔凌蒼蒼登攀覽四荒頂高元氣合標出海雲長萬
象分空界三天接畫梁水搖金刹影日動火珠光鳥拂
瓊簾度霞連繡栱張目隨征路斷心遂去帆揚露浩梧
楸白霜催橘柚黃玉毫如可見於此照迷方

范德機云
登塔詩亦

不淫者
悠然而

中丞宋公以吳兵赴河南軍次尋陽脫余之囚
參謀幕府因贈之

獨坐清天下專征出海隅范云真長律起辭也雄渾而嚴九江皆渡虎

三郡盡還珠組練明秋浦樓船入郢都風高初選將月

滿欲平胡殺氣橫千里軍聲動九區白猿慙劍術黃石
借兵符戎虜行當剪鯨鯢立可誅自憐非劇益何以佐

良圖

劉云句句壯
未韻更佳

孟浩然

登總持寺塔

半空躋寶塔晴望盡京華竹遙渭川偏山連上苑斜四

門開帝宅阡陌俯人家累劫從初地為童憶聚沙坐覺

諸天近空香送落花

劉云盛麗高曠佛

地幻語無不具

泊宣城界

西塞訟江島南陵問驛樓湖平津濟濶風止客帆收去
去懷前浦茫茫汎夕流石逢羅剝礙山泊敬亭幽火熾
梅根冶煙迷楊葉洲離家復水宿相伴賴沙鷗

西山尋辛謌

漾舟尋水便因訪故人居落日清川裏誰言獨羨魚石
潭窺洞徹沙岸歷紆餘竹嶼見垂釣茅齋聞讀書款言
忘景夕清興屬涼初回也一瓢飲賢哉樂晏如

劉云自言其趣

簡淡亦頗

送朱去非遊巴東

硯山南郭外送別每登臨沙岸江村近松門野寺深一
言余有贈三峽爾相尋祖席宜城酒征途雲夢林蹉跎

遊子意眷戀故人心去矣勿淹滯巴東猿夜吟

陪張丞相自松滋江東泊渚宮

放溜下松滋
登舟命楫師
詎忘經濟日
不憚汎寒時
洗幘豈猶古
濯纓良在茲
政成人自理
機息鳥無疑
雲物吟孤嶼
江山辨四維
晚來風稍緊
冬至日行遲
獵響驚雲夢
漁歌激楚辭
渚宮何處是
川暝欲安之

劉云工處
渾然不似

著深思

送蕭員外之荊州

時在峴山作

峴山江岸曲郢水郭門前自古登臨地非今獨黯然

劉云

寫入中對自曠自癡高樓明落照井邑秀通川澗竹生幽興林風

入管絃再飛鵬激水一舉鶴冲天佇立三荆使看君駟

馬旋

來閣梨新亭作

八解禪林秀三明給苑才地偏香界遠心淨水亭開傍
險山查立尋幽石徑廻瑞花長自下靈藥豈須栽碧網
交紅樹清泉盡綠苔

劉云交與畫字亦有摸寫第不形飾

戲魚聞法聚閒

鳥誦經來棄象玄應悟忘言理必該靜中何所得吟詠
也徒然

九日峴山宴

宇宙誰開闢江山此鬱盤登臨千古用風俗歲時觀地
理荊州分天涯楚塞寬百城今刺史華省舊郎官共美
重陽節俱懷落帽歡酒邀彭澤載琴輶武城彈獻壽光
浮菊尋幽或藉蘭煙虹鋪藻翰松竹掛衣冠叔子神如
玉山公興欲闡傳聞車馬醉還向習池看

過吳張二子檀溪別業

卜築依然在

劉云
盡甚得妙意

檀溪不更穿園林三友接水

竹數家連

劉云成
村可畫

直取南山對非闢選地偏草堂時偃

曝蘭柂日周旋外事情都遠中流性所便閒垂太公釣
興發子猷船予亦幽棲者經過竊暮焉梅花殘臘日柳
色半春天鳥泊隨陽鴈魚藏縮項鯿停杯問山簡何似

習池邊

高適

送柴司戶充劉卿判官之嶺外

嶺外資雄鎮朝端寵節旄月卿臨幕府星使出詞曹海
對羊城濶山連象郡高風霜驅瘴癘忠信涉波濤別恨
隨流水交情脫寶刀有才無不適行矣莫徒勞

陪竇侍御汎靈雲池

白露先時降清川思不窮江湖仍塞上舟楫在軍中舞
換臨津樹歌饒向晚風夕陽連積水邊色滿秋空乘興
宜投轄邀歡莫避驄誰憐持弱羽猶欲伴鷁鴻

同熊少府題盧主簿茅齋

盧兼有
人倫

盧院野情在茅齋秋興存孝廉趨下位才子出高門乃繼幽人靜能令學者尊江山歸謝客神鬼下劉琨階樹時攀折牕書任討論自堪成獨往何必武陵源

陪竇侍御靈雲南亭宴詩并序

得雷
字

涼州近胡高下其池亭蓋以耀蕃落也幕府董師雄勇徑踐戎庭自陽闌而西猶枕席矣軍中無事君子飲食宴樂宜哉白簡在邊清秋多興況水具

舟楫山兼亭臺始臨泛而寫頃俄登陟以寄傲絲
桐徐奏林木更爽觴蒲桃以述歡指蘭茝而可掇
湖天一望雲物蒼然雨蕭蕭而牧馬聲斷風嫋嫋
而邊歌矣處員外李公曰七日者何牛女之夕也
夫賢者何得謹其時請賦南亭詩列之於後

人幽宜眺聽目極喜亭臺風景知愁在闕山憶夢迴祇
言殊語默何意添遊陪連唱波瀾動冥搜物象開新秋
歸遠樹殘雨擁輕雷簷外長天盡尊前獨鳥來常吟塞

下曲多謝幙中才河漢徒相望嘉期安在哉

同李員外賀哥舒大夫破九曲之作

遙傳副丞相昨日破西蕃作氣羣山動揚軍大旆翻奇
兵邀轉戰連弩絕歸奔泉噴諸戎血風驅死虜魂頭飛
攢萬戟面縛聚轍門鬼哭黃埃暮天愁白日昏石城與
巖險鐵騎若雲屯長策一言決高蹤百代存威稜慍沙
漠忠義感乾坤老將黯無色儒生安敢論解圍憑廟算
止殺報君恩唯有闕河渺蒼茫空樹墩

古樂府飛龍曲留上陳左相

德以精靈降時膺夢寐求蒼生謝安石天子富民侯尊
俎資高論巖廊抱大猷相門連戶牖卿族嗣弓裘豁達
雲開霧清明月映秋能為吉甫頌善用予房籌階砌思
攀陟門闈尚阻脩高山不易仰大臣本難投跡與松喬
合心緣啓沃留公才山吏部書癖杜荊州幸沐千年聖
何辭一尉休折腰知寵辱廻首見沈浮天地莊生馬江
湖范蠡舟逍遙堪自樂浩蕩信無憂去此從黃綬歸歟

任白頭風塵與霄漢瞻望日悠悠

留上李右相

風俗淳淳古君臣挹大庭深沈謀九德密勿契千齡獨立調元氣清心豁宵冥本枝連帝系長策冠生靈傳說明殷道蕭何律漢刑鈞衡持國柄柱石總賢經隱軒江山藻氣氤鼎鼐銘興中皆白雪身外即丹青江海呼窮鳥詩書問聚螢吹嘘成羽翼提握動芳馨倚伏悲還笑棲遲醉復醒恩榮初就列舍育忝宵形有竊丘山惠無

時枕席寧壯心瞻落景生事感浮萍莫以才難用終期
善易聽未為門下客徒謝少微星

唐詩品彙卷七十四

欽定四庫全書

唐詩品彙卷七十五

明 高棟 編

五言排律五

大家

杜甫

千秋節有感二首

按唐紀玄宗八月五日生宴
百官於花萼樓下百官因表

請以每年八月五日為中秋節王公以下
獻鏡及承露囊此詩大歷四年秋潭州作

自罷千秋節頻傷八月來先朝常宴會壯觀已塵埃鳳
紀編生日龍池慙劫灰湘川新涕淚秦樹遠樓臺寶鏡
羣臣得金吾萬國迴衢尊不重飲白首獨餘哀

御氣雲樓敞舍風綵仗高仙人張內樂王母獻宮桃羅
襪紅蕖豔金羈白雪毛舞階銜壽酒走索背秋毫聖主
他年貴邊心此日勞桂江流向北滿眼送波濤

九日

故里樊川菊登高素澗源他時一笑後今日幾人存

峽蟠江路終南對國門繫舟身萬里伏枕淚雙痕為客
裁烏帽從兒具綠尊佳辰對羣盜愁絕更堪論

重經昭陵

草昧英雄起謳歌歷數歸風塵三尺劍社稷一戎衣翼
亮貞文德丕承戢武威聖圖天廣大宗祀日光輝陵寢
盤空曲熊羆守翠微再窺松柏路還見五雲飛

王閻州筵奉酌十一舅惜別之作

萬壑樹聲滿千崖秋氣高浮舟出郡郭別酒寄江濤良

會不復久此生何太勞窮愁但有骨羣盜尚如毛吾舅
惜分手使君寒贈袍沙頭暮黃鶴失侶亦哀號

春歸

苔徑臨江竹茅簷覆地花別來頻甲子歸到忽春華倚
杖看孤石傾壺就淺沙遠鷗浮水靜輕燕受風斜劉云
有態
世路雖多梗吾生亦有涯此身醒復醉乘興即為家

江陵望幸

雄都元壯麗望幸欵威神地利西通蜀天文北照秦風

煙含越鳥舟楫控吳人

且悲且喜
倉卒有氣

未枉周王駕終期漢

武巡甲兵分聖旨居守付宗臣早發雲臺仗恩波起涸

鱗

太歲日

楚岸行將老巫山坐復春病多猶是客謀拙竟何人間

闔閨黃道衣冠拜紫宸

劉云尋常大禮

榮光懸日月賜予出金

銀愁寂鴛行斷參差虎穴鄰西江元下蜀北斗故臨秦

散地逾高枕生涯脫要津天邊梅柳樹相見幾回新

夏夜李尚書筵送宇文石首赴縣聟句

李尚書名之芳

宇文名或尚書之甥
也石首屬江陵縣

愛客尚書重之官宅相賢

甫

酒香傾坐側帆影駐江邊

之翟表郎官貴鳬看令宰仙

或

雨稀雲葉斷夜久爛花

偏

甫

數語欹紗帽高文擲綵箋之興饒行處樂離惜醉

中眠

或

單父長多暇河陽實少年

甫

客居逢自出為別

幾淒然

乏

立秋日雨院中有作

山雲行絕塞大火復西流飛雨動華屋蕭蕭梁棟秋窮
途愧知已暮齒借前籌已費清晨謁那成長者謀解衣
開北戶高枕對南樓樹濕風涼進江喧水氣浮禮寬心
有適節真病微瘳主將歸調鼎吾還訪舊丘

奉和嚴中丞西城晚眺

汲黯匡君切廉頗出將頻直詞才不世雄畧動如神政
簡移風速詩清立意新層城臨媚景絕域望餘春旗尾
蛟龍會樓頭燕雀馴地平江動蜀天潤樹浮秦

劉云浮
動二字

最佳動
字為勝

帝念深分閫軍須遠算緡花羅封蛱蝶瑞錦送

麒麟辭第輸高義觀圖憶古人征南多興緒事業暗相

親

劉云暗相親者深歎

以成功業也惜哉

送嚴侍郎到綿州同登杜使君江樓燕得心

字

野興每難盡江樓延賞心歸朝送使節落景惜登臨稍
稍煙集渚微微風動襟重船依淺瀨輕鳥度層陰檻峻
背幽谷牕虛交茂林燈光散遠近月彩靜高深城擁朝
來客天橫醉後參

劉云落有

窮途衰謝意苦調短長吟此

會共能幾諸孫賢至今不勞朱戶閉自待白河沈

奉觀嚴鄭公廳事岷山汎江圖

得忘字

汎水臨中座岷山赴北堂白波吹粉壁青嶂挿雕梁
齊詩話云此以畫為真也

楊誠

直抒杉松冷兼疑菱荇香雪雲虛點綴沙草得微茫嶺鶴隨毫末川霓飲練光霏紅洲蓋亂拂黛石蘿長暗谷非闕雨丹楓不為霜秋成玄圃外景物洞庭傍繪事功殊絕幽襟興激昂從來謝太傅丘壑道難

忘劉云此篇句句看畫意似未離本處謂義盡分兒童之見也

陪鄭公秋晚北池臨眺

北池雲水闊華館闢秋風獨鶴先依渚衰荷且映空採
菱寒刺上踏蘿野泥中素櫟分曹往金盤小徑通萋萋
露草碧片片晚旗紅杯酒沾津吏衣裳與釣翁異鄉初
艷菊故里亦高桐搖落關山思淹留戰伐功嚴城殊未
掩清燕已知終何補參軍乏驩娛到薄躬

哭李尚書

漳濱與嵩里逝水竟同年欲掛留徐劍猶回憶戴船相

知成白首此別間黃泉風雨嗟何及江湖涕泣然脩文
將管輶奉使失張騫史閣行人在詩家秀句傳客亭鞍
馬絕旅櫬網蟲懸復魄昭丘遠歸魂素澀偏樵蘇封葬
地嘆舌罷朝天秋色凋春草王孫若箇邊

臨邑舍弟書至苦雨黃河汎溢隄防之患簿領
所憂因寄此詩用寬其意

二儀積風雨百谷漏波濤劉云大
家數語聞道黃河折遙連滄
海高職司憂悄悄郡國訴嗷嗷舍弟卑棲邑防川領簿

曹尺書前日至版築不時操難假鼈鼈力空瞻鳥鵠毛
燕南吹猷畝濟上沒蓬蒿螺蚌滿近郭蛟螭乘九臯徐
闊深水府碣石小秋毫白屋留孤樹青天失萬艘劉云隨事
有氣無可寫吾衰同汎梗利涉想蟠桃賴倚天涯釣猶能掣

巨鰲

行次昭陵

太宗在醴泉縣

舊俗疲庸主羣雄問獨夫劉云有則識歸龍鳳質威定虎
狼都天屬尊堯典神功協禹謨風雲隨絕足日月繼高

衡劉云狀他父子間意

文物多師古朝廷半老儒直詞寧戮辱質

路不崎嶇往者災猶降蒼生喘未蘇指揮安率土盪滌

撫洪鑪壯士悲陵邑幽人拜鼎湖玉衣晨自舉鐵馬汗

常趨劉云上句寂寥下句清典皆玄意入冥矣松柏瞻虛殿塵沙立暝途寂

寥開國日流恨滿山闊

送楊六判官使西蕃

送遠秋風落西征海氣寒帝京氛祲滿人別離難絕域

遙懷怒和親願結歡勅書憐贊普

劉云吐蕃君長名

兵甲望長

安宣命前程急惟良待士寬子雲清自守今日起為官

垂淚方投筆傷時即據鞍儒衣山鳥怪漢節豎童看邊

酒排金盃夷歌捧玉盤草肥蕃馬健雪重拂盧

吐蕃聯爲居號大
小拂盧也

乾慎爾參籌畫從茲正羽翰歸來權可取九

萬一朝搏

冬日洛城北謁玄元皇帝廟

配極玄都闕憑高禁籞長守祧嚴具禮掌節鎮非常碧瓦初寒外金莖一氣傍山河扶繡戶日月近雕梁僂李

盤根大猗蘭奕葉光世家遺舊史道德付今王畫手看前輩吳生遠擅場森羅移地軸妙絕動宮牆五聖聯龍衮千官列鴈行冕旒俱秀發旌旆盡飛揚翠柏深留景紅梨徇得霜風箏吹玉柱露井凍銀牀身退卑周室經傳拱漢皇劉云在周時為柱史卑矣然能使後代拱而師事之此詩意也谷神如不死養拙更何鄉

謁先主廟

慘憺風雲會乘時各有人力侔分社稷志屈偃經綸劉

未得渾渾有無限可感
開基季世君臣心事不
分遠近不立賓主老人
耳彷彿盡之矣復漢留

長策中原仗老臣雜耕心未已
歐血事酸辛霸氣西南

歛雄圖歷數屯

劉云寂寥語壯浪

錦江元過楚劍閣復通秦

劉云云

分之未幾而復合乎彼傷感無如此兩句舊解誤甚舊俗存祠廟空山泣鬼神虛

檐交鳥道枯木半龍鱗

劉云寂寥語奇麗

竹送清溪月苔移玉

座春閨閨兒女換歌舞歲時新絕域歸舟遠荒城繫馬

頻如何對搖落況乃久風塵

劉云十字歸合古今

孰與闕張並功

臨耿鄧親應天才不小

劉云使其果因天運享德之才亦宜小哉

得士契無

劉云謂武侯相得無
此即此便不可及

遲莫堪帷幄飄零且釣緡

劉云

其自

負如向來憂國淚寂寞灑衣巾

劉云首尾曲折句句與
寶有味真大手真蜀先

主廟詩評
意皆合

贈特進汝陽王二十韵

特進羣公表天人夙德升霜蹄千里駿風翻九霄鵬服
禮求毫髮推忠忘寢興聖情常有眷朝退若無憑劉云
不藉貴勢語獨精微言其仙體來浮蟻竒毛或賜鷹清闕塵不雜中使
日相乘晚節嬉遊簡平居孝義稱自多親棣萼誰敢問

山陵

劉云山陵指祖宗最有體味長

學業醇儒富辭華哲匠能筆飛鸞

聳立章罷鳳騫騰精理通談笑忘形向友朋寸脣堪繾

繾一諾豈驕矜已奉歸曹植何知對李膺招要恩屢至

崇重力難勝披霧初歡夕高秋爽氣澄樽罍臨極浦鳬

鴈宿張燈花月窮遊燕炎天避鬱蒸硯寒金井水簷凍

玉壺冰瓢飲唯三逕巖棲在百層謬持蠡測海況挹酒

如澗鴻寶寧全秘丹梯庶可凌淮王門有客終不愧蓀

登

投贈哥舒開府翰二十韻

今代麒麟閣何人第一功君王自神武駕馭必英雄

劉云

頌贊有體得故事外意開府當朝傑論兵邁古風先鋒百勝在峩

地兩隅空青海無傳箭天山早挂弓廉頗仍走敵魏絳已和戎每惜河湟棄新兼節制通智謀垂睿想出入冠

諸公日月低秦樹乾坤繞漢宮

劉云此語在投贈中有一氣若鋪寫宮闈則俗矣

作者自知之胡人愁逐北宛馬义從東受命邊沙遠歸來御

席同軒墀曾寵鶴

劉云寵鶴衛懿公事

此語甚愧士大夫畋獵舊非熊

劉云

謂得之微賤詩中間人無限類耳豈舉其似遺戰伐契合動昭融勲業青冥上交親氣概中未為珠履客已見白頭翁壯節初題柱生涯獨轉蓬蒿年春草歇今日暮途窮軍事留孫楚行間識呂蒙防身一長劍將欲倚崆峒劉云歸倚語不僉用

上韋左相

鳳歷軒轅紀龍飛四十春八荒開壽域一氣轉洪鈞劉云頌相業多矣未有如此軒露快意者霖雨思賢佐丹青憶老臣應圖求駿

馬驚代得麒麟沙汰江河濶調和鼎鼐新韋賢初相漢
范叔已歸秦盛業今如此傳經固絕倫豫章深出地滄
海潤無津北斗司喉舌東方領縉紳持衡留藻鑒聽履
上星辰獨步才超古餘波德照鄰聰明過管輅尺牘倒
陳遵豈是池中物由來席上珍廟堂知至理風俗盡還
淳才傑俱登用愚蒙但隱論長卿多病久子夏索居貧
困首驅流俗生涯似衆人巫咸不可問鄒魯莫容身感
激時將晚蒼茫興有神為君歌此曲涕淚在衣巾

寄李白二首

古今詩話云少陵贈李白二
十韻備叙白事盡得其故跡

昔年有狂客號爾謫仙人筆落驚風雨詩成泣鬼神

劉

彼此各稱自喻適意太白足以當之聲名從此大汨沒一朝伸文彩承殊

渥流傳必絕倫龍舟移棹晚獸錦奪袍新白日來深殿

青雲滿後塵乞歸優詔許遇我宿心親未負幽棲志兼

全寵辱身劇談憐野逸嗜酒見天真醉舞梁園夜行歌

泗水春才高心不展道屈善無鄰處士彌衡俊諸生原

憲貧稻粱求未足薏苡謗何賴五嶺炎蒸地三危放逐

臣幾年遭鵬鳥獨泣向麒麟蘇武先還漢黃公豈事秦
楚庭辭醴日梁獄上書辰已用當時法誰將此義陳老
吟秋月下病起暮江濱莫怪恩波隔乘槎與問津

喜聞官軍已臨賊境

胡虜潛京縣官軍擁賊壕鼎魚猶假息穴蟻欲何逃帳
殿羅玄冕轅門照白袍泰山當警蹕漢苑入旌旄路失
羊腸險雲橫雉尾高五原空壁壘八水散風濤今日看
天意遊魂貸爾曹乞降那更得尚詐莫徒勞元帥歸龍

種司空握豹韜前軍蘇武節左將呂虔刀兵氣回飛鳥
威聲沒巨鰲戈鋌開雪色弓矢向秋毫天步艱方盡時
和運更遭誰云遺毒蠭已是沃腥臊睿想丹墀近神行
羽衛牢花門騰絕漠拓羯渡臨洮此輩感恩至羸俘何
足操鋒先衣染血騎突劍吹毛喜覺都城動悲連子女
號家家賣釵釧準擬獻香醪范德機云形容人心望治之極只如此筆力有餘故

雖極處語
輒從容耳

唐詩品彙卷七十五

欽定四庫全書

唐詩品彙卷七十六

明 高棟 編

五言排律六

羽翼

李頌

宿香山寺石樓

夜宿翠微半高樓聞暗泉漁舟帶遠火山磬發孤烟衣

拂雲松外門清河漢邊峰巒依枕席世界接人天靄靄
花出霧輝輝星映川東林曙鶯滿惆悵欲言還

題少府監李丞山池

能向府亭內置茲山與林他人驕驕馬而我辟蘿心雨
止禁門肅鶯啼官柳深長廊閨軍器積水背城陰魄外
王孫草牀頭中散琴清風多仰慕吾亦爾知音

聖善閣送裴迪入京

雪華滿高閣苔色上勾欄藥草空堦靜梧桐返照寒清

吟可愈疾攜手暫同歡墜葉和金磬饑鳥鳴露盤伊流
惜東別灞水向西看舊託含香署雲霄何足難

送劉主簿歸金壇

與子十年舊其如難別何宦遊憐故國歸夢是滄波京
口青山遠金陵芳草多雲帆曉容裔江日晝清和縣郭
舟人飲津亭漁者歌茅山有仙洞羨爾再經過

送漪叔遊潁川兼謁淮陽太守

罷吏今何適辭家方獨行嵩陽入歸夢潁水半前程聞

道淮陽守東南卧理清郡齋觀政日人馬望鄉情豐嶺
雪初霽寒砧霜後鳴臨行嗟拜手寂寞事躬耕

送盧少府赴延陵

問君從宦所何日府中趨遙指金陵縣青山天一隅行
人懷寸祿小吏獻新圖北固波濤險南山風俗殊春江
連橘柚晚景媚菰蒲漠漠花生渚亭亭雲過湖灘沙映
村火水霧飲槽烏回首東門路鄉書不可無

岑參

早秋與諸子登虢州西亭觀眺

得低字

亭高出鳥外客到與雲齊樹點千家小天圍萬嶺低殘
虹挂陝北急雨過關西酒檻緣青壁瓜田傍綠溪微官
何足道愛客且相攜唯有鄉園處依依望不迷

六月十三日水亭送華陰王少府還縣

亭晚人將別池涼酒未酣關門勞夕夢仙掌引歸驂荷
葉藏魚艇藤花胥客替殘雲收夏暑新雨帶秋嵐失路
情無適離懷思不堪賴茲庭戶裏別有小江潭

送盧郎中除杭州之任

罷起郎官草初分刺史符海雲迎過楚江月引歸吳城
底濤聲震樓頭蜃氣孤千家窺驛舫五馬飲春湖柳色
供詩用鶯聲送酒須知君望鄉處枉道上姑蘇

奉追李賓客荆南送親

迎親辭望苑恩詔下儲闈昨見雙魚去令看駒馬歸驛
帆湘水潤客舍楚山稀手把黃香扇身披茱子衣鵠隨
金印喜鳥傍板輿飛勝作東征賦還家滿路輝

送郭僕射節制劍南

鐵馬擐紅纓幡旛出禁城明王親授鉞丞相欲專征玉
饌天厨送金杯御酒傾劍門乘險過閬道踏空行山鳥
驚吹笛江猿嘯洗兵曉雲隨去陣夜月遂行營南仲令
時往西戎計日平將心感知已萬里寄旗旌

送嚴黃門拜御史大夫再鎮蜀川兼觀省

授鉞辭金殿乘恩戀玉墀登壇漢主用講德蜀人思副
相韓安國黃門向子期刀州重入夢劍閣再題詞春草

連青綬晴花間赤旗山鶯朝送酒江月夜供詩許國分
憂日榮親色養時蒼生望已久來去不應遲

盧象

送祖詠

田家宜伏臘歲晏子言歸石路雪初下荒村雞共飛東
原多烟火北澗隱寒輝滿酌野人酒倦閑鄰女機胡為
困樵采幾日罷朝衣

趙都護燕別

下客候旌麾元戎復在斯
門開都護府兵動羽林兒黠
虜多翻覆謀臣有別離智同天所授恩共日相隨漢史
開賓幙胡笳送酒卮風霜迎馬首雨雪事魚麗在策應
無戰深情屬載馳不應行萬里明主寄安危

贈張均員外

公門世業昌才子冠裴王出自平津邸還為吏部郎神
仙餘氣色列宿動輝光劉云其形容人物如此
不見其俗彌見其高夜直南
宮靜朝趨北禁長時人窺水鏡明主賜衣裳翰苑飛鸚

鵝天池待鳳凰永欣疇日顧未記後時傷去去圖南遠
微才幸不忘

追涼歷下古城西北此地有清泉喬木

謝朓出華省王祥貽佩刀前賢真可慕衰疾意空勞貞
悔不自卜遊隨共爾曾未能齊得喪時復誦離騷閒陰
七賢地醉餐二士桃蒼苔虞舜井喬木古城壞漁父偏
和狎堯年不可逃蟬鳴秋雨霽雲白曉山高咫尺傳雙
鯉吹噓借一毛故人皆得路誰肯念同袍

崔顥

相逢行

妾年初二八家住洛陽頭玉戶臨馳道朱門近御溝使君何暇問夫婿大長秋女弟新承寵諸兄近拜侯春生百子殿花發五城樓出入千門裏年年樂未休

遼西作

燕郊方歲晚殘雪凍邊城四月青草合遼陽春水生胡人正牧馬漠將日征兵露重寶刀濕沙虛金鼓鳴寒衣

着已盡春服與誰成寄語洛陽使為傳邊塞情

奉和許給事夜直簡諸公

西掖黃樞近東曹紫禁連地因公子拜人用省卽遷夜
直千門靜河明萬象縣建章宵漏急闕闕曉鐘傳寵列
詔蟬位恩深侍從年九重初起草五夜卽成篇顧已無
官次循厓但自憐遠陪蘭渚作空此仰神仙

王昌齡

同王維集青龍寺曇壁上人兄院詩五韻

本來清淨所竹樹引幽陰簷外含山翠人間出世心圓
通無有象聖境不能侵真是吾兄法何妨友弟深天香
自然會靈異識鐘音

夏日華萼樓酺宴應制

王德三元正堯心萬國同汾陽備冬禮長樂應和風賜
慶垂天澤留歡舊渚宮樓臺生海上簫鼓出天中霧曉
筵初接宵長曲未終雨隨行幙合日照舞羅空玉陛分
朝列文章發聖聰愚臣忝書賦歌詠誦絲桐

王縉

同王昌齡裴廸諸人遊青龍寺曇壁上人兄院

集和兄維

林中空寂舍階下終南山高卧一牀上迴看六合間浮
雲幾處滅飛鳥何時還問義天人接無心世界間誰知
大隱者兄弟自追攀劉云好

遊悟真寺

聞道黃金地仍開白玉田擲山移巨石呪嶺出飛泉猛

虎同三徑愁猿學四禪買香燃綠桂乞火踏紅蓮草色
搖霞起松聲汎月邊山河窮百二世界接三千梵宇聊
憑視王城遂渺然灞陵纔出樹渭水欲連天遠縣分諸
郭孤村起白烟望雲思聖主披霧憶羣賢薄宦慚戶素
終身擬尚玄誰知草菴客曾和栢梁篇

儲光羲

大酺

得長字韻時任安宣尉

大道啓元命時人居太康中朝發玄澤下國被天光明

詔始端午初筵當履霜鼓鼙迎爽氣羽籥映新陽太守
即玄圃淮夷成葆疆小臣慚下位拜手頌靈長

和蕭兵曹

公府傳休沐私庭效陸沈方知從大隱非復在幽林闕
下忠貞志人間孝友心既將冠益雅仍與薜蘿深寒變
中園柳春歸上苑禽池涵青草色山帶白雲陰潘岳閒
居賦鍾期流水琴一經當自足何用遺黃金

崔國輔

奉和上巳祓禊應制

元巳秦中節吾君灞上遊鳴鑾通禁苑別館繞芳洲鶴
鷺千官列魚龍百戲浮桃花春欲盡穀雨夜來收慶向
堯尊祝歡從楚棹謳逸詩何足對宵作掩東周

九日宴

運偶千年聖時傳九日神堯樽列鐘鼓漢闌闢鈞陳金
錄三清降瓊筵五老巡始驚蘭佩出復詠柏梁新雲雁
樓前晚霜花酒裏春歡娛無限極書劍太平人

祖詠

清明宴司勲劉郎中別業

田家復近臣行樂不違親
露日園林好清明
烟火新以文常會
友唯德自成
鄰池照牕陰
晚杯香藥味
春欄前花覆地
竹外鳥窺人
何必桃源裏
深居作隱淪

家園夜坐寄郭微

前階微雨歇
開戶散窺林
月出夜方淺
水涼地更深
餘風生竹樹
清露薄衣襟
遇物遂遙歎
懷人滋遠心
依稀

成夢想影響絕微音誰念窮居者明時嗟陸沈

陶翰

送金卿歸新羅

奉義朝中國殊恩及遠臣鄉心遙渡海客路再經春落日誰同望孤舟獨可親拂波銜木鳥偶宿泣珠人禮樂夷風變衣冠漢制新青雲已干呂知汝重來賓

柳陌聽流鶯

忽來枝上囀還似谷中聲乍使香閨靜偏傷遠客情間

闕難辨處斷續若頻驚玉勒留將久青樓夢不成千門
候曉發萬井報春生徒有知音賞慙非臯鶴鳴

劉慎虛

積雪為小山

飛雪伴春還春庭曉自閒虛心應任道遇賞遂成山峰
小形全秀巖虛勢莫攀以幽能皎潔謂近可循環孤影
臨水鏡寒光對玉顏不隨遲日盡留顧歲華間

鄭審

奉使巡檢兩京路種果樹事畢入秦因詠歌

聖德周天壤韶華滿帝畿九重承渙汗千里樹芳菲陝
塞餘陰薄關河舊色微發生和氣動封植衆心歸春露
條應弱秋霜果定肥影移行子蓋香撲使臣衣入徑迷
馳道分行接禁闈何當扈仙蹕攀折奉恩輝

王灣

殷璠云：灣詞翰早著，為天下所稱。晨者不過一
二遊，吳中作如。持衣篇云：月華照杵空隨妾風。
響傳砧不列君所有，衆製咸類若斯。
非張蔡之未見覺，顏謝之彌遠乎。

哭亡友綦母補闕

明代資多士儒林得異才書從金殿出人向玉墀來詞
學張平子風儀褚彥回崇儀希上德近侍接元台曩契
心期密今遊宴賞陪屢遷君擢桂分尉我從梅忽遇乘
輶客云傾構廈材泣為洹水化歎作泰山頽冀善初將
慰尋言半始猜位聯情易感交密痛難裁遠日寒旌暗
長風古挽哀寰中無舊業行處有新苔反哭魂猶寄終
喪子尚孩塋田門吏給墳木路人裁遠洩悲成往俄傳

寵令迴玄經貽石室朱紱耀泉臺地古春長閑天明夜
不開登山一臨哭揮淚滿蒿萊

宋昱

題石窟寺

魏孝文
所置

梵宇開金地香龕鑿鐵圍影中羣象動空裏衆靈飛簾
牖龍朱旭房廊挹翠微瑞蓮生佛步瑤樹挂天衣邀福
功雖在興兵代久非誰知雲朔外更覩化胡歸

庫狄履溫

夏晚初霽南省寓直

時兼尚書郎
節度判官

薄宦因時忝涼宵寓直初沈沈仙閣的的暗更徐霽色連空上炎氣入夜除星迴南斗落月度北魄虛待漏殘燈照含芳襲氣餘寐來冠不解奏罷草成書幕府慙良策明曹媿散樗命輕徒有報義重更難疎鶩屢欣成託鵠行濫所如晨趨當及早復此戒朝車

寇坦

同張少府和庫狄員外夏晚初霽南省寓直時

兼充節度判官之作

黃綬歸休日仙郎復奏餘宴居當夏晚寓直會晴初路
散星文發雲披水鏡虛高才推獨唱嘉會喜連茹月色
搖春闌香烟靄暝廬千門傳夜警萬象照階除少孺嘉
能賦文強閱賜書兼曾謀未展入幕志方據為奉靈臺
帛恭先待漏車貞標不可仰空此樂樵漁

張子容

璧池望秋月

涼夜窺清沼池空水月秋滿輪沈玉鏡半魄落銀鈎蟾影搖輕浪菱花渡淺流漏移光漸潔雲欠色偏浮似璧悲三獻疑珠怯再投能將千里意來照楚鄉愁

長安早春

開國移東井城池對北辰咸歌太平日共樂建寅春雪盡黃山樹水開黑水津草迎金埒馬花醉玉樓人鴻漸看無數鶯遷聽欲頻何當桂枝濯還及柳條新

沈東美

奉和苑舍人宿直曉翫新池寄南省友

傳聞閨闥裏，寓直有神仙。
吏為三墳博，郎因五字遷。
晨臨翔鳳沼，春注躍龍泉。
去似登天來，如看鏡前影。
搖宸翰，發波淨列星。
懸既濟，仍懷友。流謙欲進賢，禪冠作單聲。
疑實貴覆被渥，恩偏溫室言。
雖阻文場契，獨全玉珂光。
赫奕朱紱氣，蟬聯興逸潘。
仁賦名高謝，眺篇青雲仰。
不逮白雪和，難牽冉冉胡。
為此甘心老歲年。

楊浚

贈李郎中

仙郎早朝退直省卧南軒院竹自成賞階庭寂不喧焚
香開後閣起草閑前門禮樂風流美光華星位尊榮兼
朱紱貴交乃布衣存是日登龍客無忘君子恩

胡衡

銜命使本國

御命將辭國非才忝侍臣天中戀明主海外憶慈親伏
奏違金闕駢驂去玉津蓬萊鄉路遠若木故園鄰西望

懷恩日東歸感義辰平生一寶劍留贈結交人

張謂

同諸公遊雲公禪寺

共許尋雞足誰能惜馬蹄長空淨雲雨斜日半虹霓簷
下千峰轉牕前萬木低看花尋徑遠聽鳥入林迷地與
喧聞隔人將物我齊不知樵客意何事武陵溪

梁鍾

方進士恒春草

東吳有靈草生彼剡溪傍既亂莓苔色仍連菡萏香掇之稱遠士持以奉明王北闕願彌駐南山壽更長金膏徒驄妙石髓莫矜良儻使霑涓滴還遊不死方

蕭穎士

越江秋曙

扁舟東路遠曉月下江漬漱灔信潮上蒼茫孤嶼分林聲寒動蘋水氣曙連雲瞰日浪中出榜歌天際聞伯鸞常去國安道惜離羣延首剡谿近詠言懷數君

山莊月夜作

獻書嗟棄置疲拙歸田園且事計然策將符公治言桑榆清暮景雞犬應遙村蠶罷里間晏麥秋田野喧澗聲連枕簟峰勢入堦軒未奏東山妓先傾北海樽隴爪香早熟庭果落初繁更愜野人意農談朝竟昏

嚴武

酬別杜二

獨逢堯典日再覩漢官時未效風霜勁空慙雨露私夜

鐘清萬戶曙漏拂千旛並向殊庭謁俱承別館追斗城
憐舊路渴水惜歸期峰樹還相伴江雲更對垂試回滄
海棹莫妬敬亭詩祇是書應寄無忘酒共持但令心事
在未肯鬢毛衰最悵巴山裏清猿惱夢思

張巡

守睢陽詩

接戰春來苦孤城日漸危合圍侔月暉分守若魚麗屢
歎黃塵起時將白羽搗裹瘞猶出陣飲血更登陴忠信

應難敵堅貞諒不移無人報天子心計欲何施

王季友

玉壺水

玉壺知素結止水復中澄堅白能虛受清寒得自凝分
形同曉鏡照物掩宵燈壁映圓光出人驚爽氣凌金罍
何足貴瑤席幾迴升正值求珪瓊提攜共飲水



唐詩品彙卷七十六